

I roditelji (se) računaju

Pomozite svom djetetu u - brojenju

Među prvim iskustvima s brojevima, djeca počnu "brojati". Brojenje počinje kao učenje niza riječi, upravo kao u dječjim pjesmicama. Kako djeca razvijaju vještinu brojenja, počinju da sve bolje povezuju riječi sa količinom ili brojem predmeta.

Kako djeca uče da broje i koriste brojeve?

Djeca uče nizove riječi za brojenje, i to putem ponavljanja. U početku, nizovi će biti nepotpuni, jer dijete izostavi neki broj ili može da izmisli brojeve. Na primjer, djeca često poslije broja dvadeset-devet kažu dvadeset-deset.

Ali pamćenje riječi, odnosno kako se koji broj zove, i to u pravilnom redoslijedu, je samo dio procesa brojenja. Za "brojenje" djeca treba da nauče povezati riječ ili izraz za neki broj s tačnim brojem "predmeta".

Djeci treba dati mnogo prilike da vježbaju i otkrivaju skupine brojeva, ili da stvaraju skupine. Djeca trebaju da nauče da prepoznaju i pravilno imenuju brojeve.



I roditelji (se) računaju

Šta vi kod kuće možete da uradite?

- S djetetom brojite dugmad kad zakopčavate džemper ili košulju.
- Kad vješate veš, recite djetetu da broji štipaljke za veš.
- Prebrojite koliko ima koraka od ulaznih vrata do poštanskog sandučeta.
- Prebrojite koliko komada jaja ima u kutiji, i ponovo kad nekoliko jaja izvadite.
- Kad se loptate, brojite koliko puta vi i dijete uspijete dobaciti loptu jedno drugom, a da ne padne na pod.
- Čitajte i razgovarajte o pričama i pjesmicama u kojima se spominju brojevi.
- Pjevajte pjesme i dječje pjesmice koje uključuju brojeve, kao naprimjer Five Little Ducks i Baa Baa Black Sheep.
- Neka vam dijete nabroji brojeve dokle zna, a onda vam se pridruži kad vi nastavite dalje brojati.
- Neka vam dijete počne brojiti od nekog drugog broja, a ne od jedan. To će mu pomoći kad bude trebalo da zbroji dva broja i znat će početi brojati od većeg broja.
- Pitajte dijete koji broj ide prije ili poslije nekog broja. Koliko ćeš imati godina sljedeće godine? Koliko si godina imao/imala prošle godine?
- Kad postavljate stol, zamolite dijete da vam doda dovoljan broj tanjira, šolja ili pribora za jelo za svaku osobu.
- Igrajte igre kao na primjer domino, Snakes and Ladders, igre s kartama ili na tabli, u kojima se baca kockica s brojevima. To djetetu pomaže da lakše prepozna i prebroji skupine. Zamijenite kockicu onom na kojoj pišu brojke, da dijete lakše počne čitati i prepoznavati brojeve.



I roditelji (se) računaju



- Skupljajte i razvrstavajte školjke. Prebrojite koliko ih imate u svakoj grupi.
- Gledajte i izgovarajte brojeve na registarskim tablicama i saobraćajnim znakovima.
- Recite djetetu da broji kriške kad režete hranu kao na primjer štrudlu, pitu, voće ili sendviče.
- Od praznih kartonskih kutija napravite polja na farmi. S djetetom brojite koliko figura životinja stavlja u svako polje. Postavljajte pitanja kao na primjer: U kojem polju ima najviše životinja? Kad stavite određeni broj životinja, malo zastanite i onda nastavite brojati dok dodajete više igračaka.
- Pomozite djetetu da upamti vaš telefonski broj i da bira tačnu dugmad na telefonskom aparatu.